



Broj: 12/08-27-14015-7/16
Zenica, 04.10.2016.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj:12/08-27-14015-5/16 od 03.10.2016.godine, u otvorenom postupku javne nabavke za radove broj:1417-1-3-12-3-9/16 od 08.08.2016.godine (obavještenje o nabavci broj: S1-10597-16 „Službeni glasnik BiH“ broj 59 od 12.08.2016.godine“), direktor Kantonalne direkcije za ceste Zeničko-dobojskog kantona donosi:

ODLUKU

o izboru najpovoljnijeg ponuđača

I

U otvorenom postupku javne nabavke za radove LOT 2-Trajna sanacija klizišta na regionalnoj cesti R 466 dionica Zavidovići-Kamenica sa rekonstrukcijom ceste u zoni klizišta, na stacionaži STD 10+500km (broj:1417-1-3-12-3-9/16 od 08.08.2016.godine) ponuda ponuđača „DOBOJPUTEVI“ d.d. Doboj Jug (broj: 0111-2089/2016 od 22.09.2016.godine) izabrana je kao najpovoljnija.

II

Ponuđač „Dobojputevi“ d.d. Doboj Jug (ID broj: 4218113270004), adresa Usorska 130, Doboj Jug, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Odbacuje se ponuda ponuđača „MGV-GRADNJA“ d.o.o. Zavidovići, jer nije potpuna i ne ispunjava zahtjeve uspostavljene u tenderskoj dokumentaciji.

IV

Odbacuje se ponuda ponuđača „HAJDIĆ“ d.o.o. Maglaj, zbog neprirodno niske cijene.

Obrazloženje

Postupak nabavke pokrenut je Odlukom broj:12/08-27-14015/16 od 05.08.2016. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Komisija za javne nabavke imenovana rješenjem broj:12/08-27-14015-4/16 od 21.09.2016. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za navedeni postupak pristigle su ukupno 3 (tri) ponude.

U postupku pregleda i ocjene pristiglih ponuda, Komisija je konstatovala da ponuda ponuđača „MGV-

gradnja“ d.o.o. Zavidovići ne ispunjava zahtjeve iz tenderske dokumentacije, jer dostavljeni dokumenti za ocjenu tehničke i profesionalne sposobnosti po sadržaju ne odgovaraju uslovima iz tačke 12.6.1. a) i 12.7. a.) tenderske dokumentacije. Navedenim tačkama propisano je da ponuđači moraju imati uspješno iskustvo na realizaciji jednog ugovora minimalne vrijednosti 150.000,00 KM u posljednje tri godine, koji se odnosi na radove sanacije klizišta, a što ponuđač „MGV-gradnja“ d.o.o. Zavidovići nije dokazao, obzirom da u dostavljenom spisku i potvrdi nije naveden niti jedan ugovor koji se odnosi na sanaciju klizišta.

Zbog navedenog ponuda ponuđača „MGV-gradnja“ d.o.o. Zavidovići se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

U skladu sa odredbama člana 66. stav (1) Zakona o javnim nabavkama BiH („Službeni glasnik BiH“ broj: 39/14) i članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14), u postupku poređenja cijena ponuda u predmetnom postupku, Komisija je utvrdila da je ponuđena cijena ponude ponuđača „Hajdić“ d.o.o. Maglaj, neprirodno niska, jer je za više od 20 % niža od cijene drugorangirane prihvatljive ponude i to:

Rangiranje	Ponuđači za LOT 1	Cijena ponude
1	Hajdić d.o.o. Maglaj	116.239,70
2	Dobojsputevi d.d. Doboj Jug	179.173,77
Član 17. stav(7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14)		
b) cijena ponude je za više od 20% niža od drugorangirane ponude		
Cijena ponude prvorangirane u odnosu na drugorangiranu prihvatljivu ponudu je niža u KM (Razlika 1.- 2.)		62.934,07
Cijena ponude prvorangirane u odnosu na drugorangiranu prihvatljivu ponudu je niža u % (Razlika 1. – 2.)		35,12 %

Za naprijed navedeno, a u skladu sa članom 66. stav (2) Komisija je aktom broj: 12/08-27-14015-5-2/16 od 28.09.2016.godine, od ponuđača tražila da dostavi detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene, te kako ponuđač „Hajdić“ d.o.o. Maglaj u ostavljenom roku nije dostavio traženo obrazloženje, njegova ponuda je odbačena u skladu sa članovima 66. i 68. Zakona o javnim nabavkama BiH („Službeni glasnik BiH“ broj: 39/14).

Dalje, u skladu sa tačkom 23. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rang lista	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	„Dobojsputevi“ d.d. Doboj Jug	179.173,77	-	179.173,77

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „Dobojsputevi“ d.d. Doboj Jug. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor za trajnu sanaciju klizišta na regionalnoj cesti R 466 dionica Zavidovići-Kamenica sa rekonstrukcijom ceste u zoni klizišta, na stacionaži STD 10+500km.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

- 1 x Najpovoljniji ponuđač,
- 1 x Svim ponuđačima
- 1 x a/a

